

華容縣志卷之二

文林郎知華容縣事狄蘭標重修

建置志

城池 兵防

都甲 遞舖

公署 郵政

學校 古蹟

祀典 寺觀

倉儲 廟宇

塚墓 市鎮

坊表 橋梁

街巷 池堰附

語建置於華蓋其難矣微論一切文事武備典禮法制儲衛伍兩廛井勝蹟或興或廢率皆補苴一時即雉堞魚關委之榛莽亦垂數十年於茲間或有長慮却顧者亦幾於築室之謀經云重門擊拆又云綢繆牖戶如斯土者何以稱焉昔滕子京守岳陽百廢具興景仰前賢於斯為亟志建置

華容縣志

卷之二

建置志

城郭

縣故土城周七百餘丈門五東曰平江又東曰沅江南曰安南北曰石首又北曰巴陵宋至和年築明成化十三年邑選吏孔全萬以寇數入境奏行藩司時鄰御史劉敷檄知府戴澹知縣鮑德修焉垣高丈五尺厚三之一木架瓦覆甃甃為門視故矩有加然猶土城也二十年都御史馬馴以土城非永計屬按察副史蕭正檄知府李鏡知縣梁澤覆以磚廢安南門易沅江為南而另闢西門正德十一年都御史秦余復發帑金檄知縣李文泮屬指揮黎民衷劉禹服飾



焉文泮刻害乾沒之僅增雉堞嘉靖間大壞三十六  
年知縣毛銳少培以土塞西門廣安南幾百丈而關  
新南門四十一年知縣張襲賢塞之尋闢四十三年  
知縣葉景芳復塞惟四門降慶間知縣李炤復開西  
門爲五萬歷元年主簿胡桂於東北隅官使所目擊  
處檢故磚略加整飾三年知縣田大年始大修之次  
年成又建五城樓暨巡警窩舖有河南左叅政吳國  
倫記五年典史黃嘉祥易石首門爲小北門七年以  
後不復檢視磚石漸剝落至二十三年水入城圯焉  
迨三十四年水入城城又圯三十五年雨連月城大

壞知縣李雲階始至申詳撫按蠲贖錢數十金仍自  
蠲俸并勸城中士人協修脚高若干丈三十六年水  
漲沒城城內行舟楫知縣李雲階又自蠲俸修補隨  
申請復修已准議佑工價先築堡舍三十有六沿城  
警柝隱然封守焉城東北隅故隣河無池西南隅舊  
有小洫比淤爲民田矣迨後經明末倭擾城靡有完  
堵康熙初知縣王長慶刻意修復其時兵燹後邑戶  
寥亡城中廢墻遺石甚多撤而用之知縣特捐俸與  
贖錢爲工食費已耳不兩月遂告成工城樓亦巍然  
矣至康熙三十年闢城復圯知縣徐元禹督里民修



之迄今數十年圯益甚已圯之磚消歸烏有甚互併  
土底無之余自蒞任以來審形度勢實與護城官堦  
相爲唇齒疇昔之水冲隄潰而倉庫監獄幸保無虞  
者職是故也向雖詳估入於緩工而保障攸關勢難  
再緩今力詳各憲改入急工計寔估長七百八十丈  
有奇須帑一萬五千八百有奇待部咨到縣即擇日  
興築用垂永久

都甲

元以前無考明初分八鄉編戶七十六里後遞有  
裁減

國朝八鄉並爲六里今增定七里鄉曰太平感化景陽

華容縣志

卷之二

建置志

三

寧福永樂北永樂南慕義上慕義下里曰一都至七

內併舊都十八

太平鄉統居村一十八曰石龍李家賴家青竹屈家

白水灌園桃子成山塢子蓼湖青水皂山宋谷白楊

鄭坊午圻馬路在舊一二二都  
上下四都今併感化鄉統居村三十

九曰山西水渡吉公羅陂歐家彭家白田永安曾家

查圻上田赤田福水萬家城湖禹山德木梅子楚達

蓮荷茨山大家羅帳明山蘆圻大潦蔡圻菱湖小潦

花臺郝家龍師石門槎山建興蘇家官橋延湖螺盤

在舊五六  
都今併景陽鄉統居村二十曰三里馬鞍十里徐



林吳家李田上官安南杜師石坊陳田左田胡家姜

家董步吳圻吳田碾溪上碾溪下橈子在舊七都寧市坊今併寧

福鄉統居村二十五曰杏花趙山紫港黃湖石佛唐

店昇山皇觀之劉白竹紅柿青湖沙港張師驪源新

店墨山鄧家南聖北聖趙家魯坊下峪張堰仇家在舊

上下十三都上中西八都今併永樂北鄉永樂南鄉統居村一十九

曰章城穆城穆城北櫟樹村潭北屠中夏家城圻家

豐宋家田西中大廣宋家東宋田中宋田西白竹大

湖赤亭櫟樹東在舊九都今併慕義上鄉統居村二十九曰

郝家蔡田王洪趙坊張湖郭坊志陂淵德場東昇台

華容縣志

卷之二

建置志

四

開台下瀉湖官林五田上破湖下破湖高木鄭家馮

家場里萬庚唐田普賢普賢中蠲鼻安津景北真

汪家在舊上下十都今併慕義下鄉統居村二十六曰黃姑姜

家吳坊荆陂狼跋嚴家崔公藤纏水寨仁義查港龔

家李家田家韓田捲福大堰黃糧黃田斷隄下田店

岳城大蘭上大蘭下太陽在舊十都十二都今併

公署校場附

縣治在城內西隅宋至和元年知縣黃照遷有記明

初知縣張宗哲建正統知縣楊鏗再建天順知縣許

傑修成化知縣梁澤闢地再修嘉靖初知縣張真大



新之中為正堂創堂之後為申堂嘉靖二十一年知縣趙古創尋廢

歷二十五年知縣黎猷臣復建串堂後為後堂創後堂左右為廂創

正堂左為幕堂右為庫咸前為甬道梁甬道中為

戒石亭亦真萬歷初主簿胡桂去其碑改為坊書銘

其上下為門其前為儀門門左右為旌善申明亭善

亭舊在縣南申明亭舊在縣西并諸鄉共三十六所申明洪武二年知縣張宗哲創旌善洪武十六年知

縣郭子祥創遺址弗存嘉靖間知縣張儀門前為譙

樓即宋鼓角樓兵燹後知縣趙恭惠重創元知縣王

後又燬知縣梁澤即其址創小門樓前為坊張真樓

嘉靖初張真折蔣璽屋復創樓內右偏為獄正堂左右翼為架閣庫六房後為吏廨

華容縣志

卷之二

建置志

五

梁澤創張正堂前有二松知縣白整

國朝順治八年知縣方躍龍修大堂康熙二十年知縣

徐元禹重修三十五年知縣郭廷彩重葺後知縣楊

王發以贖銀修六房雍正九年知縣董琰修大堂堂

後為二堂二堂後為廂後為內宅宅後有園有池堂

右側有小塘署後有高阜連城內外城內建五帝神

祠城後及右偏悉隆起環抱名毓秀嶺為縣治地脉

入首處乾隆十二年知縣王原洙立碑其上禁止掘

挖王復重修頭門儀門六房乾隆二十三年余下車

見內外率傾圮不堪乃捐俸六百餘金創建大堂一



進左土地祠右倉神祠捲棚三間二堂一進宅門一  
進門房四間書房三間廂房二間廚房三間客廳二  
間庫房一間內外甬道皆徹底修之工費頗多規模  
略脩

舊縣丞廨署無考

舊主簿廨署在縣西架閣庫後明建今廢

儒學教諭訓導署 詳學校

典史廨署在縣署東明建康熙四十年典史馮英傑  
捐修三間康熙五十八年典史宋份捐修大堂三間  
然率皆茅茨補苴乾隆二十四年典史黃之陞捐資

華容縣志

卷之二

建置志

六

改用瓦木修頭門一進大堂三間廂房三間內外一  
新余深嘉之扁其上曰子來堂并爲之記泐石焉黃  
家穴巡檢司廨署在縣東北百十有二里明洪武元  
年巡檢江清劄今廨廢官賃居民屋

舊鼓樓司巡檢廨署在縣南四十里鼓樓山明巡檢  
解智建今缺裁廨廢

舊河泊所廨署五曰褚塘所廨在縣七都 明初曰延

湖所廨在六都曰蘇池所廨在九都曰金山堂所廨

在三都曰杜家潭所廨在六都 俱明建 後并五所爲褚

塘所今俱廢



防守汎官廨署在城內西隅即舊千戶所署明成化間建國朝康熙二十五年改爲防守廨

舊行署三曰察院行署在縣署東明洪武初縣丞董思銘建爲按察分司行署嘉靖初知縣張真修易爲察院曰布政分司行署在察院東明成化間知縣許傑即織染局舊址建曰按察分司行署在縣署東明正統間知縣楊鏐即總舖址建爲本府行署而改舖於縣西嘉靖初知縣張真修易爲按察分司今俱廢

舊行館一在十二都新堰明嘉靖初知縣張真建今

華容縣志 卷之二

建置志

廢

舊公所三曰酒局在縣治東南明知縣楊鏐建即宋

楊改爲局凡祭祀於此造酒曰榜房在縣治東四十武明正德間

知縣李文泮建曰里長房在石首門內明初建凡一十八

所今俱廢

舊社學三一在縣署西南五十武明洪武十九年創

一在寧福鄉一在太平鄉今俱廢

舊義學三間在學宮南廡外康熙三十八年知縣尹

復創今廢

陰陽學在縣東南明洪武十七年訓術吳本心創今



廢

醫學在縣東南明洪武十七年訓科尹崧創今廢

僧會司在縣東西禪寺明洪武十五年僧會宗仁創

十八年遷圓通寺宏治間復今在西禪寺

道會司在縣南文昌宮明洪武三十二年彭執中創

今在寶慈觀

校場在縣北明建有演武亭今廢

學校

縣東舊有靈順廟

今稱五顯祠

儒學在廟南宋嘉靖間創

明洪武四年教諭楊貫道因其卑濕遷之以廟易學

華容縣志

卷之二

建置志

八

七年教諭宋元達建殿廡堂齋後燬正統初知縣楊

鑑重創成化間知縣許傑增石門舍及範銅爲器若

干

僉事陳方有記

十五年僉事李冕再修侍郎李東陽有記

宏治十四年知府張舉重創廟庭規制宏偉爲諸邑

最

教諭徐大用記

十五年知縣王乾割文昌宮地卽舊大成

殿創明倫堂嘉靖十一年知縣張真修殿廡并學二

十六年教諭王伯麒創尊經閣號舍三十三年副使

孫宏軾檄知縣曾禮教諭楊岳更創二齋併修殿廡

四十四年署縣巴陵丞周宵再修嗣是殿廡門垣大

壞隆慶二年教諭劉元相移儒學門於後十五武甃



磚夾廟學爲二坊五年知府孫夢豸知縣李奇重議  
葺飾於是屬典史黃嘉祥移櫺星門於後二十武前  
濬泮池萬歷四年知縣田大年始大修編修鄧以讚  
有記又以學後址空者周禮當祀司祿移故廢文昌  
宮以實之大年自爲記尋復壞三十一年知縣王緒屬訓  
導吳權修文廟新之三十八年知縣李雲階重修崇  
正末寇毀康熙初准聖殿兩廡崇聖殿存十九年毀  
止存櫺星門知縣徐元禹隨修復編杉爲柱左右建  
兩廡後建明倫堂五十年知縣楊王發取贖鍰建正  
殿後漸朽壞雍正二年邑紳張召華王祚對孫祈聖  
等倡闔邑公捐修復殿廡雍正十三年知縣董琰教  
諭譚尙節訓導李孔授倡捐修復崇聖祠其後復日  
就剝落乾隆十二年知縣洪成倡始勸捐未成卒於  
官繼任王原洙復集闔邑紳士民衆大加修創委監  
生蔡岳永黎光第趙經國生員程國棟張宗望等悉  
心督修閱四年告成中爲大成殿七前兩廡前爲大  
成門七左有井再前爲櫺星門再前爲泮池大成門  
左爲名宦祠右爲鄉賢祠再右爲忠義祠大成殿後  
爲崇聖祠七左爲明倫堂右爲尊經閣教諭署在大  
成殿右訓導署在崇聖祠右稍後禮門義路垣禦周



密煥如也計闔邑捐資三千五百有奇王令附近

民租學園為業歲納園租復將園墻外隙地令店戶

居住歲納地租合為歲修舊有祭器庫在明倫堂左

今廢宏治間知縣王乾修祭器庫有銅籩豆三百七

十六銅爵銅碗六十二象尊二銅罍一鈞杓鉄

花瓶二十鉄香爐二十咸知縣許傑造乾隆二十四

年節婦張氏因已故嗣子程觀光有願獻祭器夙志

乃置錫器二百七十餘舊啓聖宮祠在明倫堂後嘉靖

件重九百七十八斤入學册年知縣張真創今廢

舊名宦祠在啓聖祠左今廢

舊鄉賢祠在啓聖祠右今廢

舊敬一箴亭在明倫堂後之中今廢

舊戟門左右列修學碑左仍有井井之左有義路門

門之右有神厨宰牲房成化知縣許及洗牲池壑坎

正德十年訓導李樞星門甬道有故漢交址都尉胡

岳改為廨舍今廢寵墓覆以石詳古舊有射圃觀德亭學倉文卷庫會

饌堂厨今俱廢

舊學田并地一百二十一畝歲收租一百石有奇地

租二兩有奇萬歷三十四年分巡僉事周應中

蠲公羨銀一百兩置詳學田碑文國朝田地僅額七十七畝成熟田地七十七畝額外丈

增田地七十畝五分零乾隆十一年奉文丈報原額

併新增共田地塘一百五十四畝七厘零每畝科則



不等每年收納租穀五十六石五斗六升四合地租銀一兩七錢四厘二絲六忽

康熙二十三年頒

御書萬世師表扁額恭懸大成殿

雍正三年頒

御書生民未有扁額恭懸大成殿

乾隆三年頒

御書與天地參扁額恭懸大成殿

康熙三十三年

御書先師孔子贊及四賢贊刊碑立大成殿

華容縣志

卷之二

建置志

十一

至聖先師孔子贊弁序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人欲探二帝三王之心法以爲治國平天下之準其奚所取衷焉然則孔



子爲萬古一人也審矣朕巡省東國謁祀闕里景企  
滋深敬摛筆而爲之贊曰

清濁有氣剛柔有質聖人參之人極以立行著習察  
含道莫遊惟皇建極惟后綏猷作君作師垂統萬古  
曰惟堯舜禹湯文武五百餘歲至聖挺生聲金振玉  
集厥大成序書刪詩定禮正樂旣窮象繫亦嚴筆削  
上紹往緒下示來型道不終晦秩然六經百家紛紜  
殊途異趣日月無隲羨墻可晤孔子之道惟中與庸  
此心此理千聖所同孔子之德仁義中正秉彝之好  
根本天性庶幾夙夜勗哉令圖溯源洙泗景躅唐虞

載歷庭除式觀禮器摛毫仰贊心焉遐企百世而上  
以聖爲歸百世而下以聖爲師非師夫子惟師於道  
統天御世惟道爲寶泰山巖巖東海泱泱高萬仞  
夫子之堂孰窺其藩孰窺其徑道不遠人克念作聖  
顏子贊

聖道早聞天資獨粹約禮博文不遷不貳一善服膺  
萬德來萃能化而齊其樂一致禮樂四代治法兼脩  
用行舍藏王佐之器

曾子贊

洙泗之傳以魯得之一貫曰唯聖學在茲明德新民



上善爲期格致誠正均平以推至德要道百行所基  
纂承既緒修明訓詞

子思子贊

於穆天命道之大原靜養動察庸德庸言以育萬物  
以贊乾坤九經三重大法是存篤恭慎獨成德之門  
卷之藏密擴之無垠

孟子贊

哲人旣萎楊墨昌熾子輿闢之曰仁曰義性善獨闡  
知言養氣道稱堯舜學屏功利煌七篇並垂六藝  
孔學攸傳禹功作配

華容縣志

卷之二

建置志

三

乾隆九年部頒祭文

崇聖祠祭文

維年月日某官某致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教  
所覃敷率循源而溯本宜肅明禋之典用伸守土之



忱茲屆仲春秋

聿修祀事配以

先賢顏氏 先賢曾氏 先賢孔氏 先賢孟氏尙饗

先師廟祭文

維年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有

屬文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於籩豆茲當春秋仲祗率

彝章肅展微忱聿將祀典以

華容縣志

卷之二

建置志

十四

復聖顏子 宗聖曾子 述聖子思子 亞聖孟子配

尙饗

乾隆八年部頒樂章

春季樂章夾鐘爲宮應鐘起調秋季樂章南宮爲

宮仲呂起調樂章同調別

迎神 咸平

大哉孔子先覺先知與天地參萬世之師祥徵麟紱

韻答金絲日月既揭乾坤清夷

初獻 寧平

予懷明德玉振金聲生民未有展也大成俎豆千古



春秋上下 清酒既載 其香始升

亞獻 安平

式禮莫愆 升堂再獻 響協鼓鏞 誠孚壘甌 肅肅雍雍 譽髦斯彥 禮陶樂淑 相觀而善

終獻 景平

自古在昔 先民有作 皮弁祭菜 於論思樂 惟天牖民 惟聖時若 彝倫攸叙 至今木鐸

徹饌 咸平

先師有言 祭則受福 四海黷宮 疇敢不肅 禮成告徹 毋疏毋瀆 樂所自生 中原有菽

華容縣志

卷之二

建置志

五

送神 咸平

鳧繹莪莪 洙泗洋洋 景行行止 流澤無疆 聿昭祀事 祀事孔明 化我蒸民 育我膠庠

文廟祀考

悉遵定典 祥載位序 姓氏里居 以脩查考 先後奉

旨 升列十哲者 有子

乾隆三年升

配享十哲之次者 朱子

康熙五十年

四年 配享 兩廡增祀者 范仲淹

康熙五十四年增祀

復祀者 六人 林

放 蘧 瑗 秦 冉 顏 何 鄭 康 成 范 甯 又 增 從 祀 二十 人 縣

亶 牧 皮 樂 正 克 公 都 子 萬 章 公 孫 丑 諸 葛 亮 尹 焯 魏

了 翁 黃 幹 陳 淳 何 基 王 栢 趙 復 金 履 祥 許 謙 陳 澹 菴



欽順蔡清陸龍其

雍正二年增從祀

復祀一人吳澄

乾隆二年復祀

雍正三年改啟聖祠為崇聖祠加封王爵增從祀一

人張廸 正祀

至聖先師孔子

四配

復聖顏子 魯曲阜人

述聖子思子

宗聖曾子 魯南武城人 即今嘉祥

亞聖孟子 鄒縣人

十哲

華容縣志

卷之二

建甯志

六

先賢閔子 魯人

先賢端木子 衛人

先賢冉子 字仲弓 魯人

先賢宰子 曲阜人

先賢顓孫子 陳人

先賢仲子 魯之木人 今泗水

先賢卜子 衛人

先賢冉子 字伯牛 魯人 今鄆城

先賢冉子 字子有 魯人

先賢言子 吳人 今常熟

又增祀二位

先賢有子 魯人

先賢朱子

東廡

先賢蘧瑗 字伯玉 衛大夫

先賢澹臺滅明 字子羽 武城人

先賢原憲 字子思 魯人

先賢南宮适 字子定 魯人



先賢商瞿 字子木 魯人

先賢司馬耕 字子牛 宋人

先賢巫馬施 字子期 楚人

先賢曹卣 字子循 蔡人

先賢秦商 字子丕 楚人

先賢壤駟赤 字子赤 秦人

先賢公夏首 字子乘 魯人

先賢奚容蒧 字子皙 魯人

先賢句井疆 字子野 衛人

先賢縣成 字子祺 魯人

先賢漆雕開 字子若 蔡人

先賢有若 今升十哲之列

先賢顏辛 字子柳 魯人

先賢公孫龍 字子石 楚人

先賢顏高 字子驕 魯人

先賢石作蜀 字子明 成紀人

先賢后處 字子里 齊人

先賢顏祖 字子襄 魯人

先賢秦祖 字子南 秦人

先賢公祖句茲 字子少 魯人

華容縣志

卷之二

建置志

先賢燕伋 字子思 秦人

先賢狄黑 字子皙 衛人

先賢公西蒧 字子尙 魯人

先賢施之常 字子恒 魯人

先賢左邱明 中都人

先賢牧皮

先賢公孫丑 雍正二年升祀

先賢程頤

先儒孔安國 字子國 魯人

先儒高堂生 字伯漢 魯人

先賢樂欬 字子聲 魯人

先賢孔忠 字子茂 至理兄孟皮子

先賢顏之僕 字子叔 魯人

先賢申枨 字子周 魯人

先賢秦冉 字子開 蔡人

先賢公都子

先賢張載 字子厚 大梁人

先儒公羊高 齊人

先儒毛萇 字子黯 長公趙人

先儒鄭康成 字子真 高密人



先儒諸葛亮

字孔明瑯琊陽都人

先儒王通

字仲淹太原人後家河

先儒司馬光

字君實陝州夏縣人

先儒歐陽修

字永叔廬陵人

先儒胡國安

字康侯崇安人

先儒尹焞

字彥明巴洛人

先儒呂祖謙

字伯恭婺州人

先儒蔡沈

字仲默建陽人

先儒陸九淵

字子靜金谿人

先儒陳淳

字安卿龍溪人

先儒魏了翁

字華父浦江人

先儒王栢

字會之金華人

先儒許衡

字仲平河內人

先儒許謙

字益之京兆人

先儒吳澄

先儒王守仁

字伯安餘姚人

先儒薛瑄

字德溫河津人

先儒羅欽順

字允升泰和人

先儒陸龍其

字稼書華亭人

華容縣志

卷之二

建置志

西廡

先賢林放

魯人

先賢宓不齊

字子賤曲阜人

先賢公冶長

字子長魯人

先賢公哲哀

字季沉濟南人

先賢高柴

字子羔衛人

先賢樊須

字子遲兗州人

先賢商澤

字子秀兗州人

先賢梁鱣

字子魚齊人

先賢冉儒

字子魯兗州人

先賢伯虔

字子初兗州人

先賢冉季

字子產兗州人

先賢漆雕徒

字子有兗州人

先賢漆雕哆

字子歛兗州人

先賢公西赤

字子華曲阜人

先賢任不齊

字子巽荊州人

先賢公良孺

字子正陳州人

先賢公肩定

字子中兗州人

先賢鄒單

字子家聊城人



先賢罕父黑 字子黑 兗州人

先賢左人郢 字子行 兗州人

先賢原亢 字子籍 兗州人

先賢叔仲會 字子菊 兗州人

先賢邾選 字子歛 兗州人

先賢琴張 字子開 衛人

先賢秦非 字子之 魯人

先賢顏何 字子冉

先賢樂正克 字子正 齊人

先賢周敦頤 字茂叔 道州道縣人

先賢榮旗 字子旗 兗州人

先賢鄭國 字子徒 魯人

先賢廉潔 字子遺 衛人

先賢公西輿 字子士 兗州人

先賢陳亢 字子禽 陳州人

先賢步叔乘 字子車 青州人

先賢顏噲 字子升 魯人

先賢縣亶 字子象

先賢萬章 孟子門人

先賢程顥 字伯淳

先賢邵雍 字堯夫 范陽人

先儒伏勝 字子賤 濟南人

先儒董仲舒 字子真 廣川人

先儒范甯 字武子

先儒范仲淹 字希文 邠州人

先儒楊時 字中立 將樂人

先儒李侗 字愿中 劍浦人

先儒黃幹 字真卿 閩縣人

先儒何基 字子恭 金華人

先儒金履祥 字吉父 蘭溪人

先儒穀梁赤 字子赤 魯人

先儒后蒼 字近君 東海人

先儒杜子春 字時元 緱氏人

先儒韓愈 字退之 南陽人

先儒胡瑗 字翼之 泰州人

先儒羅從彥 字仲素 劍南人

先儒張栻 字敬夫 綿竹人

先儒真德秀 字景元 浦城人

先儒趙復 字仁甫 德安人

先儒陳澥 字可大 都昌人

華容縣志

卷之二

建置志



先儒陳獻章 字公甫 新會人

先儒胡居仁 字叔心 餘于人

先儒蔡清 字介夫 晉江人

崇聖祠正祀

肇聖王 木金父至 聖五世祖

裕聖王 祈父公至 聖高祖

詒聖王 防叔公至 聖會祖

昌聖王 伯夏公至 聖祖

啓聖王 叔梁公紇 至聖父

四配

先賢顏氏 顏子父

先賢孔氏 子思父

先賢曾氏 曾子父

先賢孟孫氏 孟子父

從祀兩廡

華容縣志

卷之二

建置志

先儒程氏 諱珦字伯溫 程顥程頤父

先儒蔡氏 諱元定字季通世稱西 山先生諡文節蔡沆父

先儒朱氏 諱松字喬年諡 靖獻朱熹父

先儒周氏 諱輔成周 敦頤父

先儒張氏 諱迪張 載父

名宦祠

晉 杜預 宋謝炎 黃照元 李有明 王士華 欽差工部員外

周應規 白整 楊鏖 陳鉞 梁澤

徐珪 田大年 孫春芳 李雲階 戴文選

徐大用



鄉賢祠

馬范

漢 胡剛

胡廣

宋 劉寶

明 徐執中

武毅

董廷圭

黎淳

程萬里

劉大夏

嚴永濬

王儼

黎民表

傅尚文

周廷用

孫繼芳

張存意

蕭一中

孫宜

張守約

蔡玉寔

孫斯意

孫羽侯

白竹

嚴夢良

張希奎

生徒

國朝額設廩膳生員二十名增廣生員二十名附學生

員及武生無限額

歲科二試取進文新生二十五

華容縣志

卷之二

建置志

三

各順治十五年定額歲科二試取進文新生各十五

名歲試取進武新生十五名雍正元年奉

旨加文新生額五名歲科二試例取進文新生各二十名

萬壽亭

在沱江書院前

沱江書院

在

關廟右縣尉署左乾隆二

祀典

社稷壇舊在縣西明洪武三年縣丞劉睿建嘉靖三

十六年知縣毛銳遷建於縣北郊

國朝雍正七年知縣董琰奉文重建乾隆十四年知縣

王原洙捐修添築壇址拜亭三間圍墻一道

風雲雷雨山川壇在縣南明洪武三年縣丞劉睿建



嘉靖三十六年知縣毛銳重建移原址數十武

國朝雍正七年知縣董琰奉文重建乾隆十四年知縣王原洙移建南門外真慶觀右偏捐修添築壇址拜亭三間圍牆一道

先農壇在縣治河東官道旁 國朝雍正五年知縣鄒朋奉文動項建

厲壇舊在縣北明洪武三年縣丞劉睿建嘉靖三十六年知縣毛銳遷建於縣西郊乾隆十四年知縣王原洙捐建壇宇二進三間遷於東門外泛楊地十八年被水冲潰二十年知縣郭淮移建於大北門外社

稷壇右偏一進三間門樓一座

關帝廟舊在縣西後遷建於城內捕衙左正殿一間頭門一座乾隆十四年知縣王原洙捐修正殿三間後殿三間頭門三間

城隍廟在縣治東明初知縣張宗哲建嘉靖間知縣張真修隆慶間知縣李炤拓廟基萬歷三十七年知孫李雲階重修

城隍廟田康熙四十四年署篆石門縣黃捐俸十兩置里民藍士珍栗樹窖南望嶺荒熟水田二十畝以供香火康熙五十八年清丈前縣馬世珍因廟田低窪



開除免科厥後連年水淹廢耕遂久而失業乾隆十年主會李榮忠董少唐等訪實爲喬姓零星私售於八姓乾隆十五年主會李榮忠董少唐等呈請前縣洪成批着主會臨田清丈清得水田二十畝計一十三號後墾荒山九號開明四至東至五合藍西至陳文冲南北俱至水心荒山一亩下爲界八姓情願出具退田甘結呈縣立案勒立石碑於廟前殿左側五公廟基地在城隍廟右旁橫直約六丈餘爲宋姓起屋乾隆二十三年據市民何先志張展五等呈請折屋退基隨經勘丈屬實又據各紳士呈請將宋姓

城隍廟旁舖基九丈五尺寬一丈三尺並屋二進寫立抵約以抵五公廟基地免其折屋呈請立案

楊四廟基地在城隍廟左旁廟前一截隙地與張姓居屋後簷滴水接壤張姓已憑街鄰寫立認約定納每年地租五錢以作燈油之資以上楊四廟基地五公廟舖基均歸城隍廟收息而五公楊四兩廟並無  
崇祀

禹王廟在縣南三十里禹山古建

祀夏禹王報治水之功明以六月六

日同墨山昇山二廟致祭今仍之歲支銀兩詳賦役志

禹山廟在縣北一十五里宋寶祐間知縣趙希哲建



明知府陸邛修宋時原祀梁竦明初改祀蜀漢昭烈帝有司每歲一致祭今仍之歲支銀

兩詳賦役志 墨山廟在縣東四十里元石觀前古建祀山神陳墨子明以六月六日祀今仍之歲支銀可詳賦役志

忠義孝弟祠在文廟左 國朝雍正六年知縣鄒朋建

節孝祠在關帝廟右 國朝雍正六年知縣鄒朋建

倉儲

常平倉即明預備倉在縣署儀門左凡一十四間康熙三

十五年知縣郭廷彩建乾隆二年知縣陳堯叟奉文

華容縣志

卷之二

建置志

十四

動項添建十間四年知縣章文禮奉文動項添建一

十三間嗣章又添建五間十年署知縣周澤奉文動

項添建江米易穀倉八間余二十三年視事後詳明

指項修補倉十二間又詳明改建乾隆十年江穀倉

八間又新建倉六間寔貯官民原捐穀五千八百三

十八石五斗零乾隆四年動帑採買穀五千石十年

添貯江米易穀二千石存倉尚有臧糶盈餘穀一百

三十七石六斗三升歸另案項下

社倉舊分建二處乾隆十年歸併總倉縣署前二間

乾隆十二年知縣洪成奉文動支息穀建寔貯官口



原捐木穀三百三十三石八斗八升

舊宋常平倉義倉在縣東二十里板橋

舊稻穀倉嘉靖間創今廢

舊便民倉二一在北河渡一在黃家穴今俱廢

舊預備倉即今常平倉共三處一在縣東一在縣南

俱明正統間工部員外王士華布政使蹇賢知縣楊

鏊建一在縣東二都明天順間知縣許傑建今廢

舊克積倉在縣治譙樓左明成化間知縣梁澤建今廢

舊積煮倉在縣治譙樓左明萬歷間分巡僉事周應中積穀待賑今廢

東關水府漕倉二間

華容縣志

卷之二

建置志

二十五

兵防民壯弓兵附

華容哨明成化十二年設岳州衛指揮千百戶鎮撫

每五歲掄一人領兵五十人明萬歷間裁為二十四

人官以一歲更至本朝康熙二十五年後岳營掄外

委把總一員即古中司基結茅為廨領兵十名防守

邑城今則委經制把總一員協防外委把總一員帶

領兵丁二十名更替防守兵丁住房乾隆九年奉文

添建草房二十間年久傾圮乾隆二十三年余捐修

瓦房一十二間

明山哨在明山鼓樓明成化十二年設以常德衛指



揮或千百戶掄一人領兵五十一人萬歷間調岳州  
衛官兵代之以舟時巡不久駐近止龍陽撥兵十餘  
名船一二隻駐明山巡官歲或一二至去來不過數  
日

東路旱塘板橋舖兵二名 墨山舖兵二名 西路旱塘蔡

田舖兵五名 黃洋渡舖兵五名 南路水塘赤亭宮兵五名

北路水塘五田渡舖兵五名 挖口舖兵五名 石門山塘糖

屬華容于乾隆二十三年奉文裁歸岳水師營外水

塘四處傅家圻明山鼓樓茅圻頭係龍陽水師分防

水歸龍陽岸歸華容

華容縣志

卷之二

建置志

三六

民壯元以前無考明正統二年始募所在軍餘民壯

宏治二年立僉民壯法州縣七八百里以上里僉五

百里以上二人有司訓嘉靖二十二年增州縣民壯

練遇警調發或稱機兵

額大州縣千人次六七 國朝因明舊制而汰其數華容縣五十名

弓兵元以前無考明宏治二年僉民丁隸巡檢司曰

弓兵 華容縣黃家穴巡司弓兵五十名

國朝因明舊制裁汰其數每巡檢止領

遞舖渡夫附

郵舖凡一十四 縣前舖司兵永克四 東路通府一



石驛舖司兵一板橋舖司兵一新舖編五名

永克一名一墨山舖司兵一西路通安鄉縣一編四名

中立舖司兵一蔡田舖司兵一黃洋編五名

舖司兵一新興舖司兵一新堰舖司兵

永克二名北路通湖北石首縣一石磯舖司兵

一萬庾舖司兵一石橋舖司兵

昇台舖司兵三編四名

舊馬驛在縣東二十里板橋明洪武十四年創驛署

李文洋移今廢易費建萬壽亭

舊黃家穴明山鼓樓二水驛黃家穴水驛在縣東北

容縣志 卷之二 建置志

山水驛在縣南六都明初驛丞傅玉創明山驛巡檢秦金裁黃家穴驛知縣楊企周議裁

北河官渡渡夫黃洋官渡渡夫

郵政 凡八款附罪囚恤例三條漏洋圍附

養濟院 例自明初官建院宇以處孤貧殘疾無告之民照依額數每名歲給口糧米三石六斗每

石折銀五錢另給花布銀三錢

國朝因之乾隆二年定例其在孤貧殘疾浮於額

數者亦收養院內動支公項給發口糧

明初在縣治西洪武五年縣丞劉睿建男女二所正

統五年知縣楊鎡重修嘉靖間張真修萬歷間知縣

田大年移之城外故風雲壇址而以其地建義倉後



廢

國朝乾隆三年 題奉發帑建復正房三間定額收養

孤貧四名額外收養三名

育嬰堂 例地方好善之人建屋僱乳凡嬰孩之不能養育者收留乳養官董其成明以前無考

國朝雍正二年禮部欽奉 上諭 行文轉飭有司勸募照例推行 未建

普濟堂 例地方士民公建屋宇設脩衣食存養老疾無依之人 國朝乾隆元年戶部文行覆准

令直省酌量辦理 浣司檄飭舉行 未建

棲流所 例官建屋存養四方無依之人 恩詔各省民人有孤貧殘疾無

人贍養者該地方官加意撫恤如無廬舍棲處酌設棹流所以便棲處 未建

惠民局 例自明初官為建屋廣貯藥材主以醫學凡貧民疾病無力醫治者給藥醫之

華容縣志

卷之二

建置志

三

舊在縣治南明洪武五年縣丞劉睿創今廢

漏澤園凡四一在縣西田家湖岬一在縣東北放生

池一在縣北均家塢一在縣東斗岡俱明初官建

國朝雍正十三年放生池舊塚傾塌邑民陳士仁捐資

修砌又買林家嘴地掩瘞無主塌露枯骨於高阜

救生船 例昉 國朝乾隆二年巡撫高其倬 奏於洞庭沿湖設船十六隻總督史貽直 奏添

設舵杆洲船十二隻先後分布險要拯救覆溺九年二月知府黃凝道以舊船短小不能冒浪衝風且水

手四名難於應猝力請改造長大船式俾收救生實効巡撫蔣溥 奏乞照造今制共船十八隻每隻長

四丈二尺寬七尺高二尺六寸篙槳蓬鋪全每船水手六名每名歲支工食銀六兩分官管轄定以漕泊

地方專司拯救大小歲修如例支項



縣管轄救生船二隻 一在傳家磯 一在黃古灘

救火器 例防 國朝雍正六年欽奉 上諭地方官

溥檄議添置并選練兵器遇災撲救乾隆八年巡撫蔣

水有水銃翻車蕪水有麻搭折取物料有大鈎鈎鍊

砍取釘絆有大斧翻倒房屋有鉄錨 損繩皆官為捐造分給牌甲收領

縣水桶八麻搭八火鈎八銅水銃貯價候製

監犯口糧衣物例 縣屬舊無監犯衣糧公項 國朝

軍流徒犯日給米一升錢五文米于存倉谷石支錢

令該官養廉墊給赴司于存公銀內領還乾隆二年

文行覆准監犯歲給棉衣扇蓆病給藥餌筵給棺木

三年文行覆准監犯冬月給炭薑湯夏月搭蓋涼蓬

酌給茶葉以上諸項均係動用自理贓罰贖錢之內

如有不敷仍於公項銀內找給所以體恤有罪之民

備極 周至

華容縣志

卷之二

建置志

岳州衛分發軍流收管酌給口糧安插例 舊例收到

發岳州衛收管 國朝乾隆七年兵部文行覆准照

閩省例收到軍犯發四縣收管該犯年老殘疾者撥

入養濟院給與孤貧口糧少壯貧窮又無手藝者按

名口照給孤貧口糧一年為止于存貯倉谷項下開

銷該犯風土漸熟有馴遞地方交馴夫頭管束令其

當差給與應得工食無馴遞地方查有公用夫役交

夫頭管束令其一體充當亦給與應得工食至扶有

微資習有手藝者交地保收管聽其自為謀生每月

朔一日地方 官查點一次

古蹟

章華臺 在今縣治東渡河半里許楚靈王所築宋乾

道間知縣胡綰築臺而建亭焉嘉定甲戌知

縣東平劉無欲復修之東北一里有細腰宮遺址杏

花村陳石橋西北云靈王墓所有申亥土地至今仍

其名章華臺胡劉俱有記今劉紀不傳胡紀及 諸詩見藝文志元時建道觀于臺傍今皆廢



漢太傅胡廣宅遺址

在今學宮南數十步宋時建廟

今廟祀胡公或曰廣也又學宮戟門外

樞星門內有大石板傳其下乃廣墓

范西戎墓 舊志田家湖上有范蠡墓水經鄴註夏水

家華容縣樹碑云是越之范蠡晉太原地記盛安之

荆州記劉澄之記言在縣之西南郭仲產言在縣東

十里碑題故西戎范君之墓碑文劉落范西戎不詳

其人稱蠡是其先也碑是永嘉二年立觀其所述最

為究悉似親歷其地故道眾說從而正之今世

多誤稱范蠡華容人至列之鄉賢祠者以此

古縣 一在章華堊側三國吳大帝時所建隋大業十

年遷厄于水宋仁宗至

和元年復徙隋故地

軒轅祠 在縣治後明知縣趙希哲掘地得斷碑有軒

今為五帝祠

華容縣志

卷之二

建置志

岳陽二樓

即今譙樓也元知縣王思恭修主簿張崇

遊宴之所八卷玲瓏湖山一覽顏以今名明末燬康

熙三十二年知縣季麒光創今亦半燬乾隆十二年

王原洙重修

赤沙湖 縣西洞庭湖之涯梁湘東王遣胡僧祐陸法

和以羽扇揮風風即反約軍見梁軍皆步行水上遂

大潰悉投水死惟約不知竄何所法和曰明日午刻

常得吾前于此洲水上置利語檀越云此雖為利實

則賊標也今可于刹下求賊如其言往索果見約在

刹下水中抱刹

仰鼻遂擒之

八卦壇

邑東三十五里元時邑人嚴元元精五雷法

今寶慈觀祈雨雖去此壇甚遠神以筭示必欲至其

處即應也則不蓋當日元元瘞有符錄地中故也



繡頭林 南史沈攸之自縊于華容櫟林初沈攸之為

行事柳世隆屢破之昇明二年還向江陵未至城已

為雍州刺史張敬兒所據無所歸乃與第三子文和

至華容之櫟頭林投州吏家吏嘗為所鞭不以為怨

殺腕薦食既而村人欲取之攸之與文和俱自縊於

櫟林今不知所在按今石首

有櫟林崗或是古華容地

驛路松 宋岳飛所植在邑東山

驛路達巴陵今久廢

伯始書屋 在寶慈觀右漢太傅廣讀書處宋知縣胡

紹初精舍招生徒李有更肄業其中今廢

龍峯書屋 在龍秀山北圓覺寺

黎劉二公讀書處

劉東山公草堂 在邑東沙

渚港北

王明山公草堂 在邑南羽

山之麓

程素軒公柳塘書屋 邑城學

宮之右

華容縣志 建置志

卷之二 三

五字刻石壁 壁在觀音山上元邑令李有書廉勤公

令張宗哲刻書之  
今剝落盡矣  
荆飲飛斬妖處 在邑東  
楊于  
破塚洲 世說新語云顧長康作殷浩佐請假東還固  
請始給布帆至破塚遭風大敗報殷云洲名  
破塚真破塚而出行  
人安穩布帆無恙  
泛洲 李衡種  
橋於此  
羅氏古屋 邑南羅氏祖堂宋初所構柱  
尚有元末紅巾賊刀痕今毀  
袁氏古屋 邑東五十里材不甚大俱栗也故  
耐久制亦異今屋唐末構今存  
老子祠 又名太皇觀宋祥符八年二月既望雷震觀  
精到慶歷六年郡守滕子京摹而刻之零陵何氏女  
有道風即所謂何先姑也人有扣之者女云謝仙火



雷部中神也好以缺華書字

後移于邑南觀中今無存

赤亭城在邑南五十里大湖之灩梁湘東王置巴陵也後果摘侯景將任約于剗側

岳城在邑西三十里宋紹興間岳武穆征楊么所築以貯糧者又有食成莖穆城二即城大抵皆岳

公所築後人因建廟修像祀之乾隆六年有李之鳳年七十無子鑄香錢爐各一口併捐田二畝地一塊

楚觀亭在縣治後高阜上宋乾道間縣令胡綰所建有詩云繞城春水綠入座曉風清又云楚王

莖榭荆榛裏新構江山指顧中額乃狀元張孝祥所書後縣令莫岩重修董尹易之以茅今廢

煉丹亭邑東三十五里延真觀後

倒挿栢晉時劉真人飛仙之所

煉丹池晉仙人張驚喜所植或云呂仙植

華容縣志

卷之二

建置志

三

天風亭 凌空亭 聽鶴莖 朝斗閣 蟄 莽

丹光亭 整衣壇 碧雲亭 琅玕堂 仁智堂

揖仙莖 觀翠軒 石刻丹竈二字白玉蟾書 萬象閣

月 櫺 雲 巢 密 一 莽 湛 軒 道士巖

松 關 白蓮沼 龍 潭 清富堂 桃花塢

衣冠塚張驚喜仙去弟 子塋其衣冠 瞻蛻亭 環秀橋

契仙橋 七女峯有七仙 女遊此 藏珠潭 宣詔石

回龍峯 董老嶼

靖廬道藏云仙人三十

女兒墳邑東十五里元富人身死無子其女塋之石柱現存



佛峙菴

田家冲係三對寺分建

步雲菴

鼎山檀梓嶺國學生徐宗昇建

寺觀廟宇

西禪寺

在縣城西門唐建今遷平江門

三對寺

在縣東二十五里建自東漢曰萬魏曰興國西晉賜今號

大雲寺

在縣東四十里有雲母泉

普田寺

在縣南四十里

延壽寺

在縣西六里宋建

白竹寺

在縣北三十里元建

鹿角寺

在縣北七十里鹿角山

華容縣志

卷之二

建置志

三

普蓮寺

在縣東北九里宋建

五龍宮

在縣城南舊名雙梧禪院

圓覺寺

在縣十五里宋建

圓通寺

在縣西二十里宋建

觀音寺

在縣東三十里唐建有古玉蘭樹

皇功寺

在縣南三十里禹山下元建

崇慶寺

在縣南六十里

普賢寺

在縣西二十里宋建

岳城寺

在縣西境祀關聖岳武穆又名雙忠廟

仙鷲寺

在縣東北七十里宋建



彈峯寺 在縣東北九十里

真慶觀 在附郭南

寶慈觀 在縣東三十里石門山晉張驚喜學道於此宋治平中即古額更勅賜名寶慶中道士孫

雪窻重修有堂三十六所環山白玉蟾遊寓有記中有天風亭朝斗閣聽鶴臺整衣壇觀翠軒環秀橋衣冠塚唐刺史張說

稱為天下絕境

元石觀 在縣東四十里唐建

延貞觀 在縣東四十五里

崇真觀 在縣東北九十里

靈順廟在縣南宋建明洪武四年以學易廟知縣郭

子祥遷建於舊學址 廟號為五顯所祀神與靈官廟同

水府廟在縣北北河明建 今遷東門外河祀洞庭水神

華容縣志

卷之二

建置志

三

伏波廟在縣南南河古建 年代未詳祀漢伏波將軍馬援

馬王廟在縣東二十里板橋古建 年代未詳祀五代楚馬殷

文昌祠 即文昌宮 一在儒學後 詳學校志今廢 一在縣東門外

王陸二公祠在行署左明萬曆七年知縣田大年建

祀欽差工部員外王士華岳州府知府陸瑛

劉忠宣祠在城內小北門街明萬曆四十年分守叅

政蔡復一捐地募建 祀邑人兵部尚書劉大夏 後廢基為民占

國朝康熙四十五年巡撫趙申喬斷還基地勸募重建

乾隆十年分守副使嚴有禧知府黃凝道知縣洪成

勸募其裔孫童生劉允煌重修 堂廡增門如制



田公祠在縣北郭明建

祀知縣田大年

護城勇人王相祠

舊志載嘉靖四十三年盜入城相以民兵戰死次年署縣周霄創祠

示勸祠在巴陵門外今查巴陵門大北門也城外並無寺宇基址而相遺像同武士李一茂像乃存東市

外水府廟中乾隆十八年北市重修大保廟掘土坑深數尺得石碑長四尺許上刻護城勇人王相祠七

六字始知王相祠原不在城外市人奉迎王李二像合祀太保廟中今碑像俱存

太保廟在城內西隅

祠陳劉二神

南嶽廟在縣北巴陵門外水次明建

祠南嶽神

仰山廟在縣城東平江門外明邑人王儼建

祀唐南齊雲按

華容志云儼巡撫山東時有黑神甚靈感神為南齊雲歸而建廟塑像祀之

洪山廟在縣南附郭明建

祀宋張巡或云祀宋太尉

華容縣志

卷之二

建置志

三

三神廟

即三神堂

在縣東四十里寶慈觀前明初建

祀唐嘉州

刺史趙昱並五顯晏神詳雜志

荆欽飛廟在縣東北楊子洲古建

年代未詳在宋時已有廟

炎帝廟

即龍恩廟內奉國祭改為

炎帝乾隆七年邑人洪又冉劉

國華陳廷揚等募化重修

傅家磯廟

宋時洪姓建雍正八年洪子鳳洪文紀等重修



冢墓

劉都統制寶墓

縣東十里黎氏麥莊近劉撫州始得其誌石遂識其葬處餘詳劉譜

楊宣義世傑墓

縣東十里黎始祖也地名石筍峪

黎文僖公墓

邑東二里有諭祭大學士東海徐普撰神道碑

劉忠宣公墓

在邑東沙潛港上二里公自為壽藏記都御史吳廷舉續成之蒲田林俊撰神

高知府善清墓

原任岳州知府籍華莖縣南沙山高氏祖堂後秦安人合葬

戶部左侍郎王明山公墓

邑西三里店有諭祭大學士費宏撰神道碑文

戶部右侍郎程素軒公墓

邑南明山

孫同知榮墓

信陽何宗伯洛文撰墓志銘

孫山人斯億墓

蘭谿陸洗馬可教撰墓志銘

華容縣志

卷之二

孫學使繼芳墓

京山李太史繼徵撰墓志銘山東邢僉事伺撰墓表

孫漁人宜墓

關中許中丞宗魯撰墓志銘喬按察世亨撰墓表

李梓芳墓

周按察廷用墓

傅按察尙文墓

俱邑東石龍山

嚴隆墓

嚴進士錡墓

嚴主事麟墓

以上咸在鹿湖山附葬者亦不盡書頃年為石邑人侵廢殆盡

鄧少卿浩墓

縣東四十五里

李叅政鶴墓

縣東五里



黎縣丞斌墓 在板橋

白同知整墓 縣東十五里

嚴叅政永濬墓 山

白溧陽忠墓 縣南五里

黎知府民牧墓 縣東二十里

嚴知府永灌墓 縣東二十五里

魏知府廷楫墓 縣東十里

孫恭人墓 縣東四里都御史蕭一中妻

張知府守約 父墓守約墓附左守約妻雷恭人墓附右俱縣東三十里新鋪

嚴知縣簡墓 縣東二十五里

華容縣志

卷之二

建置志

三

謝知府上箴墓 縣東四十里墨山鳳形恭人何氏合塚

劉母王氏墓 必宏妻

毛印中永震墓 在板橋

劉副使仁宅墓

董副使廷圭墓 縣北二十五里

毛叅議瑄墓 縣南五里

程司務鶚墓 縣南五里

黎布政民表墓 縣東十里

嚴主事承範墓 縣東五里

黃運同節墓 縣東四里



陳叅政能墓縣東三十里

蕭都御史一中墓縣南三十里皇功寺

易舉人本文虛墓縣東北七十里

張太淑人墓縣東三十五里五龍山

易列婦徐氏墓縣南三十里

白知縣仁墓縣南左田村

程知縣宗舜墓在黃湖山

呂知州臬墓石首人在崇真觀

劉知府如訥墓縣東十五里

謝教授文軌墓縣西北三里

華容縣志

卷之二

建置志

三

張知縣一龍墓縣東三十里

蔡知州以通生墓縣東六十里

高叅議尙志墓縣東五里石首人

劉知府世節墓縣東十五里

張封君海恭人王氏墓合葬桃花山有坊

孝子魏文昌墓有碑萬歷四十二年

程舉人逢軾墓南山

敖教諭翔墓大頭山麓祖宅旁

烈女甘元秀墓有碑萬歷四十二年知府馬從龍墓在上十一都與文昌異址

孫氏志曰志塚墓非苟也世遠則易忘族微則易



奪地形太著則或以啟羨慕而開訟端時諸墓爲鄉人侵葬賴知縣李雲階斷還

黎文僖祖墓縣東九里石嘴舖南

宋竺侍郎墓名紀字維五墓在縣西宋田山其會孫偉元平江路總管墓在其左

劉忠宣祖墓有四俱在邑西北二十有五里近清出竊葬者二

王戶部左侍郎明山祖墓在邑西大南圻湖巔近清出有竊葬者

蔡御史系周祖墓在邑南蔡家坑湖中

程戶部右侍郎素軒祖墓在邑西太陽山

張知府守約祖墓在邑西黃茅圻

謝知府上箴祖墓在邑西永固坑外

華容縣志 卷之二

建置志

三

周御史廷用祖墓在邑東石龍冲

傅御史尙文祖墓在邑東張家冲

孫翰林羽侯祖墓在邑東二十五里

張叅議存意祖墓張應舉恭人蔡合葬在邑東白竹圻牌頭山右坊

賀氏祖墓在邑東北小耳山交椅形

白副使竹祖墓在邑東章華塋

王知縣官之墓在邑南十五里左田

王母李孺人墓在邑西官坑白馬山左土名施家嘴歐氏山上

嚴氏祖墓在邑南山烏池湖

王母楊孺人墓在邑東三里七女峯中脉



王茂才佐臣墓

邑東三十五里紙蓬有附

知縣事徐啟泰墓

邑東十里龍秀山之上

嚴瀨園首昇墓

邑東三十五里寶慈觀山南

張封君雲甲墓

邑東九十里白石礮

張封君璉墓

邑南四十里下鼓樓山

張璉妻白恭人墓

在石首城子山

張進士召華墓

邑東八十里王馬鋪

張召華妻王恭人墓

邑東六十里鄧家山東巴陵界

張按察奎祥墓

邑城西半里田家湖

張奎祥妻王恭人墓

在石首七峯山

華容縣志

卷之二

建置志

四

張奎祥繼妻曾恭人墓

合附田家湖

賀教諭采墓

墓泊河驛今公廟北

丁封君名時墓

墓南鄉陳家黃皮嘴有碑

丁永琪祖母巢氏墓

墓南鄉李家冲伏虎山有碑

丁永琪墓

父忠母宗墓墓勝峯嶺俱有碑

周知縣慶增墓

石龍冲祖宅後

周慶增墓

祖迭菴墓東山仙掌。父乾一墓陳石橋右畔官坑。母白氏墓官坑。

孟門白氏夫人墓

縣北石山磯明洪武時孟汝燈之妻

吳知州堂墓

墓黃湖山祖坐左松樹窩

何之蕙墓

在隅山傍妻陳氏附



李知府義墓

墨山廟前大灣

張布政存意墓

石首縣古井口有坊

張存意妻程恭人墓

白雲庵有坊

張封君存愈墓

縣東白竹坊

張存愈妻毛孺人墓

縣東麻李港

張御史希奎墓

縣東麻李港

張希奎妻黎孺人墓

縣東北南岷口

吳封君燮墓

南山黃毛嶺

蔡封君應克墓

縣東二十五里符箕場

蔡知縣良璟墓

縣東北一百里高家冲

華容縣志

卷之二

建置志

里

孫封君鞏墓

邑東七十里木港祖宅傍

孫知縣祐岐墓

縣東八十里白洋林隸石首

孫鞏妻張孺人墓

合附木港

孫祐岐妻季孺人墓

合附洋林

黎御史循典墓

縣東十里胥師廟

黎按察慶永墓

縣東十里小耳山

黎主事大觀墓

縣東三十里驪源橋

張封君壽祥墓

邑東三十里

張州同健墓

邑南三十里金盆山

張封君預墓

縣東小墨山香爐灣安鄉張知縣庚先張詹事明先祖



張封君舜齡墓

邑東山墨山香蘆灣安鄉張知縣

張淑人周氏墓

邑南山戈家灣安鄉張知

張安人朶氏墓

邑東斗岡山安鄉

張州判弧墓

邑東斗岡山安鄉張貢生錫父

張舉人斯搏墓

墨山驛路西

毛大千墓在石邑渚吳封寺前後有碑妻羅氏



坊表

宣化坊

在縣治前  
明建今廢

錫命坊

在縣西街學宮左為  
布政張存意父子建

狀元坊

在縣治東為明  
狀元黎淳建

四牌樓坊

皆王氏舊蹟西都憲東連典賓王南天賜  
存問北皇都得意今存都憲市中為王儼

總憲坊

在城內北街明為按  
察周廷用建今廢

地官卿坊

在縣治前明為戶部  
侍郎程萬里建今廢

東山雲卧坊

在板橋明為忠  
宣劉公建今廢

旌義坊

在縣南附郭明為  
義士蔡山建今廢

百歲坊

國朝為生員董  
廷模母萬氏建

解元坊

在十一都明為副  
使董廷圭建今廢

華容縣志

卷之二

建置志

學一

三孝坊

在縣東門外舊名孝感坊宋縣令劉無欲為  
邑孝女林氏楊氏周氏建明知縣楊鏗重修

易以今名  
以上府志

世傳科第

南街為孫榮  
以下皆廢

進士第

南街為繼  
芳今廢

亞元

十二  
都為

謝讓  
今廢

賜進士第

南街為張  
守約今廢

父子同升

西街為蔡以恩  
通系周今廢

榮二

西街一為劉如初一  
張存意父子恩榮

兩省觀風

北街為蔡  
系周今廢刺史

加綸

南街為  
蔡今廢

兄弟聯芳

南關外為魯俊  
魯儒兄弟今廢

以上王志

嚴一中妻張氏

王正愷妻蔡氏

閔士元妻白氏

程自洞妻董氏

程文英妻張氏

李恩旃妻傅氏

劉士賢妻伍氏

張召修妻敖氏



潘士棟妻魏氏

涂子超妻及氏

王師文妻嚴氏

陳半壁妻花氏

侯三宅妻蔡氏

雙節坊 爲李以付妻何氏媳傅氏建

街巷 池堰附

西街 在縣治前

北街 在四牌樓北

東街 在四牌樓東

團街 在四牌樓南

十字街 在沅江門內

王道街 在儒學前

張家巷 凡二在南街

嚴家巷 在西禪寺右

栗家巷 在縣市北今名周家巷

伍家巷 在市北今名謝家巷

石首巷 在石首門內

河街 沿河

驛河街 在北門外

斗湖巷 在北門外

放羊池 在北門外

朱公堰 在南門外

巴陵堰 在南門外

蔡家堰 在東門內

華容縣志 卷之二

寺堰 在東門內西禪寺後

官堰 在小北門內

街堰 在縣署東西

市鎮

皇觀市 在縣東十里

板橋市 在縣東二十里 新店市 在縣東三十里

墨山市 在縣東四十里

大黃廠市 在縣東四十里

中港市 在縣南二十里

褚塘市 在縣南二十五里

毛圻頭市 在縣南三十里

五甲市 在縣北十五里

監鎮市 在縣北

唐家店市 在縣東十里

埭子市 在縣東北九十里

紙坊市 在縣東九十里 潭子口市 在縣西

黃洋渡市 在縣西

以上市多廢

橋梁



德政橋 在縣北附郭古名惠政宋知縣趙希哲重修  
改龍津元改通津明改德政久圯旌表節婦  
程張氏于乾隆八年捐  
金三百重修一邑賴之

毓秀橋 在縣北附郭唐建

文昌橋 在縣東二十里

永昌橋 在縣東三里今名陳石

磨鏡橋 在縣東四里昔有神女磨鏡於此

青紫橋 在縣東五里

青瀟橋 在縣東七里

徐家橋 在縣東一十里元明兩朝徐氏祖孫建修

初橋 縣東二十里明初建正德六年邑紳劉大夏民黎氏德重修乾隆十二年紳士蔡岳永等補修

江寧縣志

卷之三

建置志

未完功乾隆十八年市民宋之緒捐資全修里民熊耀聖亦有基始之功

熊家橋 在縣東一十五里木橋在縣東三十五里

驪源橋 在縣東一十五里

馬監橋 在縣東四十里即宋嘉定間馬產龍駒設立馬監處

環秀橋 在縣東三十里寶慈觀前

遊橋 在縣西六十五里即仙遊橋

道人橋 在縣西北四十里石首界

楊家橋 在縣東七里

遺安橋 在縣東北一十五里

江商橋 在縣東北一百里



津渡

北河渡

在縣東北附郭

寺河渡

在縣東一里

南河渡

在縣東南一里

彭家渡

在縣南一十五里

赤亭渡

在縣南八十里

狼跋渡

在縣西南六十里

田家渡

在縣西一里通安鄉路今廢

蔡田渡

在縣西二十五里

碾溪渡

在縣西二十五里

黃楊渡

在縣西二十五里

遊橋渡

在縣西六十里通安鄉

五田渡

在縣一十五里通巴陵左首二縣路



坊表

宣化坊

在縣治前明建今廢

錫命坊

在縣西街學宮左為布政張存意父子建

狀元坊

在縣治東為明狀元黎淳建

四牌樓坊

皆王氏舊蹟西都憲東連典賓王南天賜存問北皇都得意今存都憲市中為王儼

總憲坊

在城內北街明為按察周廷用建今廢

地官卿坊

在縣治前明為戶部侍郎程萬里建今廢

東山雲卧坊

在板橋明為忠宣劉公建今廢

旌義坊

在縣南附郭明為義士蔡山建今廢

百歲坊

國朝為生員董廷模母萬氏建

解元坊

在十一都明為副使董廷圭建今廢

華容縣志

卷之二

建置志

學一

三孝坊

在縣東門外舊名孝感坊宋縣令劉無欲為邑孝女林氏楊氏周氏建明知縣楊鏗重修

易以今名以上府志

世傳科第

南街為孫榮以下皆廢

進士第

南街為繼芳今廢

亞元

十二都為

謝讓

今廢賜進士第

南街為張守約今廢

父子同升

西街為蔡以恩通系周今廢

柴二

西街一為劉如初一兩省觀風

北街為蔡刺史張存意父子恩榮

系周今廢

加綸

南街為蔡今廢

兄弟聯芳

南關外為魯俊魯儒兄弟今廢

以上王志

嚴一中妻張氏

王正愷妻蔡氏

閔士元妻白氏

程自洞妻董氏

程文英妻張氏

李恩旃妻傅氏

劉士賢妻伍氏

張召修妻敖氏